

МАҚСАДИМИЗ - ҲАМКОРЛИК

Ўзбекистон билан Жанубий Корея Буюк ипак йўли даврларидан бошлаб ўзаро маданий, иқтисодий жиҳатдан борди-келди алоқаларини йўлга қўйган мамлакатлар ҳисобланади.

Фарғона шаҳрида фаолият бошлаган Корея - Ўзбекистон бизнес ассоциациясининг ваколатхонаси савдо-иқтисодий, инвестициявий, маданий - гуманитар соҳаларда ҳамкорлик алоқалари янги босқичга олиб чиқаётгани билан аҳамиятли.

- Ўзбекистон қадимий ва бой тарихга эга, Буюк ипак йўлининг маркази бўлган ўлка, - дейди Корея - Ўзбекистон бизнес ассоциацияси ваколатхонаси раҳбари Юн Джонг Сок. - Айниқса, Фарғона вилояти ўзининг ҳудудий жойлашуви, йўл ва коммуникация тармоқлари ривожлангани билан ажralиб туради. Бу Жанубий кореялик йирик тадбиркор ва инвесторларнинг қизиқишиларини оширмоқда. Айни кунда ип йигириув ва тўқимачилик саноати, қишлоқ хўжалиги маҳсулотлари етиштириш ва экспорти бўйича истиқболли лойиҳаларни амалга ошириш истагида бўлган йирик компания ва тадбиркорларни Фарғонага жалб этишда яқиндан кўмак бериш, қўллаб-қувватлашга алоҳида эътибор қаратяпмиз. Муҳими, ҳамкорликда иш олиб бориш истагида бўлган тадбиркор ва ишбилармонлар кўп. Бу бизга келаётган мурожаатлар, таклиф этилаётган янги лойиҳалар мисолида кўриниб турибди.

Истиқболли лойиҳалар кўлами кенг ва ранг – баранглиги билан эътиборлидир. Ваколатхона саноат ва қишлоқ хўжалиги тармоқларида иқтисодий ҳамкорликни йўлга қўйиш, ишлаб чиқаришни модернизация қилиш, маҳаллий хом ашёлардан юқори сифатли маҳсулот ишлаб чиқарish, экспорт ҳажмини ошириш, янги иш ўринлари яратишга алоҳида эътибор қаратган.

Қўшма лойиҳаларни рўёбга чиқаришда йирик компания ва сармоядорларга вилоят инвестицион салоҳияти, яратиб берилган имконият ва имтиёзлар ҳақида тўлақонли маълумотлар базасини яратиш ва тарғиб этиш ишларига алоҳида эътибор қаратилмоқда.

Сирасини айтганда, икки давлат тадбиркорларининг мулоқот майдони бўлган ваколатхона кўмагида ҳаётга тадбиқ этилаётган лойиҳалар юрт ривожи, халқ фаровонлиги йўлида хизмат қилади, албатта.

Фарғона вилояти ҳокимлиги

Facebook, Telegram, Веб сайт, YouTube

2020-10-08 16:39:34